

嘉慶東流縣志

東流縣志卷七

安徽池州府東流縣知縣吳簾脩
山川志

縣之山盤紆錯襍大抵皆濱江爲障者也其脉自匡廬而下岐黥山之支經建德迤邐而北星分碁峙無奇峯異壁絕特著望亦無擁勢蓄奧爲羣山宗者

厯山縣東三十里西枕厯池池二一久雨不盈一久旱不涸其峯爲仙人掌南望匡廬西瞰江渚高八十餘丈縣治來龍自此舜山近厯山相傳舜耕於此上有堯舜祠

太平寰宇記歷山在東流三十里西枕歷池上有堯
舜二廟

明一統志在東流縣東三十里西枕歷池故名上有
二池其一常乾雖久雨不停一常溢雖久旱不涸

大清一統志歷山有二一在石埭縣西一在東流縣東
又舜山在東流縣東三十里與石埭歷山相近

方輿紀要歷山在縣東三十里西枕歷池上有龍湫
江南通志歷山在東流縣東三十里南望匡廬西瞰
江渚最爲雄傑上有池二一久雨不盈一久旱不涸
下有仙姑井觀者呼仙女則花湧出

龍山縣東三十五里爲張溪灘鎮來龍山勢盤亘如龍
大清一統志龍山在東流縣東四十里山岡起伏蜿蜒
如龍通溝泉出此

方輿紀要厯山東十里曰龍山山岡起伏勢如虬龍
葛公山縣東五十餘里相傳葛洪跨鹿於此今石有鹿
跡又傳大士現身其上庵前峯名香爐峯相近有旗竿
山有葛稚川煉丹池至今以葛仙名鋪

大清一統志葛仙山在東流縣東五十里相傳葛洪煉
丹於此有香爐峯極勝

延壽山縣東五十餘里相傳西峯禪師遊此刻延壽二

東流縣志 卷之十一
字於絕壁故名 下羅尖卽延壽山第一峯高插雲霄
與皖城相望上有西峯廟禱雨立應 安尖縣東八十
里與下羅尖對峙

大清一統志延壽山在東流縣東六十里懸崖壁立有
泉噴流又東十里爲列疊山南接建德縣之華蓋山
江南通志延壽山在東流縣東六十里懸崖壁立有
泉噴流又東十里曰列疊山

列疊山縣東七十里以其岡巒層疊而名山勢連接南
抵建德醞醐寺莫龍山界

隱山在縣南四十里層巒疊翠上有尖峯如卓筆直聳

雲漢又名隱峯

大清一統志隱山在東流縣南四十里輿地紀勝隱山有寺寺額乃昭明太子書

方輿紀要香山相近曰隱山一峯如削直聳雲際

香山在縣南四十里爲香口鎮之主山有石洞下建香山寺相近者有黃山金鷄山

大清一統志香山在東流縣南四十里香口鎮縣之主山也上有石洞按縣之山縣字疑羨

江南通志香山在東流縣南四十里疊障層巒有石巖泉洞之勝相近曰隱山一峯峭絕

池州府志黃尖山在縣南五十里下有朱文公祠

按黃尖卽黃山

拱北山縣南半里舊名神山明令陸芹恠其不拱顧縣治人文落寞因立石改今名後果大振

大清一統志神山在東流縣西南一里瀕江高僅百丈而瞻遠無際今名拱北山

方輿紀要在縣西南一里高僅百尺而曠遠無際

馬當山

大清一統志馬當山在東流縣西南七十里橫枕大江爲古今至險安慶之宿松彭蠡之九江皆以此山爲

界 按今縣境與彭澤接壤處距馬當山麓尚五里
故舊縣志不載

密雲山縣北二十五里山巔有五峯隱隱挿於雲表如
列劒戟

大清一統志在東流縣北二十五里嶺有五峯

方輿紀要縣北二十五里有密峯山巔有五峯勢如
列戟

白雲山縣東北抵貴池界在貴池境者爲白雲山在東
流境者名紅石崖山有洞可容數百人洞有泉四時不
竭其水亦分流兩邑居民賴之

大清一統志白雲山在東流縣東北七十里接貴池縣界有洞可容數百人洞中有泉不竭

池州府志白雲山在縣東北七十里接貴池界山有仙人掌有洞容數百人洞有泉四時不竭

父溪嶺在縣南五十里抵建德界有山橫亘兩水交流故名

大清一統志父溪嶺在東流縣南五十里接建德縣界嶺勢橫亘兩水交流其下產茶極佳

按池州府志父訛作義土人多呼爲抄溪嶺

斗嶺縣東貴池界又名陡嶺明宰相孔貞運建菴其上

大清一統志陡嶺在縣東接貴池界

鵝鳩嶺縣南彭澤縣界

大清一統志鵝鳩嶺在縣西南接江西彭澤縣界

池州府志鵝鳩嶺縣南五十里接彭澤界

大浩山小浩山縣南七十里抵彭澤九都界

青山縣南七十餘里抵彭澤界又邑東舒村有山亦同名

下馬山即馬當磯山

月山縣南四十里湖西岸

陰山縣南四十里又縣東北七十里湖坦保亦有陰山

與貴池接界山產石

銅頂山縣南四十五里

平頂山縣南五十里

白茅山縣南五十里

梅林山縣南二十七里昔有姓梅人居其下好植梅後
成茂林故名

彭澤嶺縣東南建德界又縣南彭澤界亦有彭澤嶺

峯坡嶺縣南六十里

下午山縣東七十里

大山縣東七十里

石人山縣東五十五里上有石如人立

陽龍山縣東四十五里

道士山縣東三十五里

莊壁山縣東三十五里

晉陽山縣東三十五里上有堯舜祠今廢

西山縣東二十五里

芙蓉山縣東十五里

大峯山縣東三十里

夫子嶺縣東七十里

靈山縣東五十里

青峯嶺縣東六十里又名清風嶺

賽山縣東六十里

窪冲山縣東六十里

于家山縣東四十里

六都山縣東六十里

獅子山縣東五十里

五峯山縣東四十里中有龍洞禱雨輒應山後有石屋
嶺萬山巉巖毗連如屋其石可以研紅俗名石紅

密崖峯縣東北七十餘里有西峯菴

蘭山與密崖峯相近俱界貴池

梅峯尖縣東貴池界上有小廟

茅嶺縣東北六十里

金紫山縣北三十五里

黃雀山縣北四十里谷幽林鬱每春時上多黃雀

鳳冠山縣北五十里

虎山縣北五十里又縣東十五里

巖山縣北六十里山巖高距如虎

西峯尖縣北五十里

濱江諸磯控扼形勢者凡十五

筓子石磯在縣西南六十里大江自彭澤入縣界處也

響水磯在簪子石東

獅子磯在響水磯東有石屹立江岸形肖獅子

紫石磯在獅子磯東

牛磯在紫石磯東

張公磯在牛磯東江流至此轉而北行距縣四十里

土磯在張公磯東北

白石磯在土磯東北距縣二十五里石色純白

砲兒石磯在白石磯東北

烏石磯在砲兒石磯北距縣十五里石色純烏

稠林磯在烏石磯北距縣七里

龍石磯在城西門外卽菊江亭所建也

陸貫磯城北三里又名麓貫俗謂之頭磯

祝家磯在縣北五里俗名三磯亦名回龍山

大清一統志祝家磯在東流縣北五里爲縣治下流第三關橫江激湍舟過甚險昔有祝姓者施纜於此以濟舟故名

池州府志回龍山在縣北五里一磯瞞江濤最險俗稱祝家磯

吉陽磯縣北三十里

大清一統志吉陽磯在東流縣北三十里江濱唐天復

夏漢書卷之六
三年楊行密將田頔以宣州叛行密召李神福自鄂州還軍擊之至吉陽磯擊敗其黨王壇

黃石磯縣北六十里石色紫黃土性堅膩可陶昔建城多用此窰

大清一統志黃石磯在東流縣東北五十里亦濱大江明正德十四年宸濠犯安慶泊舟於此問磯名左右以對聲近王失機濠大惡之未幾果敗

方輿紀要黃石峽在縣東北五十里亦瀕大江旁有黃石港其處皆黃土巨石相綿亘云

獨墩近金雞石卽羅隱詩中所指

雙墩裡泊湖

絲茅墩雁汊湖

相公墩縣東十里湖塌中有相公廟今廢

池州府志曰縣治環帶大江東南皆山也厯山爲縣基發脉之祖迤邐而至東關七里爲大山則少祖也縣南唐豐上鄉界彭澤有大浩山小浩山有青山有鶴延山鵝鳩嶺至黃厓樹有隱山陰山湖西有月山沿江有紫溪山馬當山與彭澤界其界建德者有銅頂山彭澤嶺峯坡嶺汊溪山白茅山自是而花山梅林山豹龍山福保山東嘴山西嘴山馬鞍山叅差聳

峙與香山黃山諸峯相錯此隔建河大港口以上之
山也縣東三十五里唐豐下鄉近城南有拱北山由
大山支派也迤東則有密峯山芙蓉山虎山大峯山
舜山西山青山與晉陽鄉晉陽山相界晉陽鄉東南
與建德分界有西峯臺陽湖陂彭澤嶺列疊山正東
與貴池分界有梅峯尖有斗嶺由梅峯而南有青峯
嶺下羅尖石人山靈山由斗嶺而西有安尖陽龍山
五峯山龍山道士山由斗嶺而南有六都山丁家山
下午山施家嶺由斗嶺而西北有旗竿山西瓜嶺葛
公山茅嶺賽山鳳冠山窪冲西峯尖以北則有沙山

陰山白雲山悉與貴池相拱錯矣若乃縣東北爲維
新鄉則有金紫山黃雀山以下層岡複嶺盡八都各
山莊不能悉載也四封之內千巖競秀鳥獸生息草
木繁蔚落實取材用之不盡者也

縣濱江而治江其大川也境內諸水分支脉注引流以
達於江者凡六曰香口河曰江口河曰北新河曰吉陽
磯江汊曰黃石港曰黃湓河其源遠者或百餘里近或
五六里而湖塘泉澗之水皆附入焉濱江沙漲成夾江
者三曰烏石夾奔灣夾岡育洲夾

大江附縣城西北自彭澤縣東北行至簪子石而入縣

東漢書卷之十一
境凡東北行一百六十里至黃湓河口而入貴池縣界
大清一統志自彭澤縣馬當山東北四十里至香口又
三十五里至縣西又三十里至吉陽又東北四十五
里至奔灣鴈汊又四十里至黃湓河口接貴池縣界
江中之洲曰蓮花曰閤簾曰白沙曰雁落曰七團曰
鬼頸曰雀料曰大新

方輿紀要江中有新洲磨盤州又有羅刹石嶺若森
立舟帆艱險其洲亦曰羅刹洲 按羅刹洲當即指
今之羅家洲

蔣綬舊志遙望小孤砥柱中流如筆如劍馬當諸山

橫截江面飛帆畫鷁若櫛表若列屏舳艫相銜如從
天上其西北則大洲數十餘里浮出水中形若蓮花
因以名焉洲中有湖名劉家湖形如葫蘆長十餘里上與磨盤諸洲下與
陳家閣箴羅家白沙雁落寶定諸洲散列江上麥青
菜黃蘆白烟黯一望平蕪迷離滿目

香口河在縣南四十里接彭澤縣境內之水匯爲諸湖
瀉湖以達江者也其上流爲場上湖合何家潭水及浩
家湖水至雙河口而北出爲香口河達江又岐一支東
行由斷港河通沱洋長石諸湖而入仙人湖歸江口河
以達江場上湖在縣西南六十里湖之西岸與彭澤

縣分界南自朱家壠黃金橋迤東北至雙河口周圍六十餘里 何家潭水出彭澤至林家冲入縣境東北流二十里至雙河口水漲則與場上湖通 浩家湖水出彭澤分界之浩山北流經黃栗樹西滙爲湖 斷港河在香山岩南經趕馬嘴洪家村而通沱洋湖

大清一統志香口河在東流縣南六十里其源有二合流至香口入江

蔣志香口河上爲裡泊湖暖水湖夾江湖遠合彭澤九都山之水開衍七十餘里又名內湖水大則自雙河口斷港河與黃金白洋通水小則聚於香山口由

港而入於江 又曰香口河其源出於彭澤山林港
一出陳倉源交於三汊激於麻姑遶查池至此

按舊志所載地名多與現在不符所謂內湖當即塲
上湖夾江湖當即浩家湖所謂出彭澤山林港者當
即何家潭水自林家冲入境者陳滄源之水入黃金
湖不至香口河也三汊麻姑查池舊志俱不載無可
考

江口河在縣南二里瀉建德諸山并縣南境諸山之水
以達江者也其出縣南境者凡二一自澄滄源西行數
里至藕塘會又溪嶺水北行數里會七峯山水又北過

下隅坡右會雙河口分流之水而爲白洋湖經東嘴西嘴兩山間而北又北過馬鞍山東又東北過鉄山渡右合邛子湖左合長石湖其一自三龍山而西北流會徐家山水北流十數里至楊婆嘴入長石湖又北流爲仙人湖其建德山水凡四源由建東橋入境俱滙於仙人湖經青泥灣又合團湖水達江口河而入江 又溪嶺水聚黃土嶺白茅山諸礪北流十餘里而至藕塘七峯山水亦會佛王嶺拋刀嶺諸礪北流六七里入澄源水 沱洋湖舊名白洋湖在縣南五十里香山幞頭山管山各澗水所滙也 鉄山渡在縣南十五里 邛

子湖在鉄山渡西北 長石湖舊名黃金湖在縣南二十里亦建德諸山水所集 仙人湖在縣南五里其東北亦名七里湖以距縣七里也 團湖在南門外亦名南門湖又名學湖青泥灣沙灘灣俱在縣南七里皆仙人湖濱也

蔣志縣治之南爲南門湖南門湖者卽明令陳春所濬拖船窪引江艘以達於南門者也又爲團湖團湖者學湖也未建城先其規如鏡又南五里爲仙人湖其南之近東爲七里湖諸湖皆合建德之水聚焉而循江口河入於江 又曰十四都一帶爲黃金湖白

洋湖聚境內之水由鉄山渡入於江 又曰江口河
其源四一出鄱陽北坑一出九鳳山一出馬坑交於
清潭播於百步灘納西叅港瀦於官池厯堯城渡一
出茹蘭溪合蘇家溝會視田灣經柵頭瀝石印洞下
引道士查冊溝逕倉埠小石潭繞過路灘落於青泥
灣溢於仙人湖

大清一統志南門湖在縣南門外明萬厯初知縣陳春
開濬引江艘達於南門又有團湖合建德諸水循江
口河入江 黃金湖在縣南相近爲白洋湖聚東南
境之水由縣西南入江 前河在建德縣南有三源

總滙於步頭灣過縣南十五里百步灘渚爲官池厯縣南二里堯城渡亦名堯城溪又合茹蘭溪滙石印池入東流縣界爲江口河至縣西七里入江

方輿紀要縣南十里有東流河其源卽建德之堯城溪西流入於大江

按江口河上承黃金湖之水其流甚大舊志但指建德下流之水歸仙人湖者而不及黃金湖未核其建德導流之四源皆在建德境內今故不詳考又鉄山渡舊志以爲入江今鉄山渡卽子湖亦歸黃金湖不入江也 一統志分團湖南門湖爲二團湖當是仙

入湖之訛 方輿紀要所謂東流河當亦卽指仙人湖無別水可以當之也

北新河在縣城北門外引江水通寨下湖遶縣城之東北今已填淤不通舟楫矣 寨下湖在城北半里相傳許山立寨之所故名

吉陽磯江汊在吉陽磯下自劉家坂之劉家湖經老鵝嘴又西瀦爲吉陽湖南合牛頭山老屋場之水西入於江

黃石港在黃石磯下一出彭家嶺一自號銅山瀦爲朱明湖西流會太子湖之水又西入於江 太子湖自吉

陽汎北北流二十里而至黃石磯卽羅家洲之內夾也
黃湓河在縣北九十里滙建德貴池及縣北諸水以達
於江者也建德之水至洋湖陂而入縣境又北流合土
陰坡水爲雙河口乃折而南十里至曹冲又西流三里
至口上復折而北流曲屈遶上鄉尖山分水嶺水入之
又北爲香木潭又西北流過石潭鎮西又西流過張溪
鎮南又東爲鵞潭湖葛公山水入之又北爲楊家湖分
一支出汶家嘴西流散入濱江蘆地楊家湖北出爲澄
潭湖又北至楊家嘴兩頭塘水自西入之乃折而東流
爲王家寨河又東爲前湖炭埠港水入之又東過七潭

洲又東行而南折至七星洲九都湖匯之又南過方定洲宣家洲而達江

土陰坂水出縣東北境之東庄蓋列疊山青峯嶺諸澗之委會流過土陰坂南 分水嶺水蓋分水嶺大陡嶺諸澗之委經王家坡南流又會延壽山諸澗之水而南長二十餘里 香木潭在縣東四十五里 石潭在縣東四十里又名梅潭 張溪在縣東三十五里 葛公山水出葛公山迤南會虎形山蔡家山石嶺山蓮花山諸水西南流過土橋雙紅橋過龍山嶺北而入鷺潭湖漢家嘴自楊家湖西北流十許里經上橫洲中橫洲

西又北至阮村折而西南流過桃園橋而西漫流入蘆地 楊家湖在縣東北四十五里亦名楊河頭 澄潭湖亦名陳搏湖在縣東北五十里 兩頭塘水在天林庄南彭家嶺東其水分流一支西入黃石港一由張嶺嘴北經石女山南楊家嘴北而入王家寨河 炭埠港在縣東北六十里水自大陡嶺北歷幽關冲龍王嶺西流過炭埠鎮陰山桃花冲白石村茅岡嘴而入前湖長二十餘里 九都湖在縣北八十里以在九都而名諸湖之總名也大抵西薄石女印墩諸山南薄八都諸山迤北至江濱東抵黃湓皆濱江灘地水漲則數十里中

瀾漫無際水落則沮洳之處分爲諸湖

蔣志縣之界左貴右建二縣山川幽阻源各百有餘

里至是而始合者雙河口也

南河上自魯公堰東河自鷄冠堰下至本縣境

內皆東流納課

厥河去縣治六十里西流而下爲張釗灣張

釗者元尙書也水蓋以人重乎然考之明宰相孔貞

運藩憲徐廷宗其塋墓亦多在灣山之陽又流而下

爲卧虎潭爲港口爲塔裏爲石潭爲張家灘灘去雙

河蓋二十餘里而去縣治約較是加半焉然河勢則

趨乎南矣自是而循高湖過石澗歷楊河頭經三十

六青草闢風諸灣沉潭天井慈潭梅潭胡家韓家諸

池一派流衍自南而西而北隨遠近而異名抵於沙
山則入貴池之境而卽沙山沿湖以北由巖山白石
遡炭埠港則又境水之別出以達於湖者大抵春夏
之交潦水白水盛溢湖光掩映周廣數十里南望沙
灣大清諸村北抵九都湖循黃溢合大江冬月水涸
則落故道惟曲折而達黃溢入乎江耳然灣池湖窟
民多漁業亦足當農家三時之利云 又曰縣北四
十餘里有西湖大清湖大清廣環十餘里澄澈如鑑
又達而百里有九都湖各湖源不一或自貴境或自
建境或自縣境諸水大聚直抵黃溢入于江 卧虎

潭縣東四十里港口縣東五十里高湖縣東四十里
石礪縣東四十里青草灣縣北四十里關風灣縣北
五十里天井池慈潭池胡家池韓家池舊志俱不載
距縣里數謝明舊志云諸池一派流衍隨遠近而異
名耳

大清一統志大清湖在縣東北四十餘里廣十餘里澄
澈如鏡至黃湓口入江 後河在建德縣北源出縣
東石門嶺亦名石門溪亦曰南河西北流至雙河口
與貴池縣之西溪水合繞和山入東流縣界又至貴
池縣黃湓河口入江 黃湓河在貴池縣西九十里

亦曰東河其源有二一出建德縣良禾塢沙嶺一出縣西南百二十餘里之西溪流經東流縣之雙河口與建德之後河合過張家灘又與貴池縣西南魯祖山之水會於沙山達黃湓河口入江

池州府志徐濠在縣北六十餘里東抵黃湓入江

按縣境東北諸水皆歸黃湓河自七潭洲以下自西南至東北三十餘里與貴池皆以黃湓河分界而舊志不載黃湓河殊爲漏略也徐濠當卽王家寨河

烏石夾在縣南十五里蔣志云江之別者曰烏石夾蓋卽烏石機之江套也

奔灣夾在縣北八十里卽雁汶

岡育洲夾在縣北九十里西自絲茅墩東達黃湓

東流縣志卷之八

安徽池州府東流縣知縣吳篴修
營建志

縣自南唐卽東流場而置縣未立城明萬厯元年知縣
陳春相地形度高下而城之東西一里而弱南北一里
而強周七百三十六丈有奇高丈四尺下廣丈五尺上
廣丈三尺

明汪文建城議狀曰天下之事不一勞者不永逸不
暫費者不久寧智者可與規遠不可與圖近愚者可
與樂成不可與慮始事苟有利於國家雖毫髮之微

猶將謀之況其功重於泰山政苟有益於民社雖一日之安猶將爲之況其業垂於萬禩故先事而見者沉幾之士也超俗而計者卓犖之臣也處衽席之上而懷鞭驅山岳之思居窪坏之渚而發囊括江海之量此豈尋常較度尺寸之儔可與同日而議哉惟其時勢之所宜燭之於隱斷之於獨則何業不可就何功不可成假令管仲執籌樂毅畫策事機安危已在掌握而復使二三白面書生得以叅之則天下之事必敗矣夫三口之家十室之聚猶將嚴其門戶高其藩垣而後得以爲固設有不虞衆亦可恃無恐此不

待智者而知也況於一邑之大官府治其中百姓環
其外乃無城郭之險池隍之阻而欲免禍於兵革塞
窺於寇盜是由棄明珠於四達之途而幸暮夜往來
者之不踐其地有是事哉東流未有城池垂七百年
知縣陳春方以城池未建上其議於巡撫按御史並
檄下其事報可議曰東流地居京輔上游南衝荆表
西扼豫章前瀕大江後塞峻嶺提封所領沿江上下
廣袤二百一十餘里百姓雖散居鄉落而環附縣治
者戶將滿千誠甸服之要地而吳楚之咽喉也縣自
開設至今尙未建城臨江一帶祝家黃石稠林等磯

百夫守險千人不能上似矣然至秋高水落平沙一望盡爲坦途安在其爲天險哉葢爾縣治無甲兵之壯無藩籬之蔽姦人黠黨奮臂一呼舉足之間槩可得而陵也往時宸濠之變驅兵長入恣其蹂踐百姓鼠竄潛避林莽雖有忠憤之臣智略之士豈能據煨燼之墟爲國家盡死力哉嗣以倭盜犯順震動東南柄兵重臣聞惑失策調發苗夷之兵所過村落遂爲焚掠歷年以來劫庫者三越獄者再禍以重而不懲痛已深而不悔爲之不鮮矣夫朝廷以郡邑爲屏垣郡邑以人民爲根本愚民相聚非不熙然闔闐之中

官紐於因循而耽安靜之便此所謂棟宇將焚燕雀處堂煦煦相得不知禍之將及已也設有不虞計將安出震雷已過然後掩耳壞堤已決然後求防出涕歔矣嗟何及矣而欲自紓其禍自追其辜尙可得乎職自莅任以來未嘗不爲之寒心也前此寇盜多虞之際官民據守無一足恃不惟不可以爲安慶犄角之援亦將何以牽制客兵席卷之勢日復一日年復一年在下者畏縮逡巡目擊地方之利害而不敢於上聞在上者巡歷未到有拯援凋弱之盛心而無由於下究可勝言哉今奉檄下郡縣廣詢博議誠臣子

所當竭力之秋下官不當隱蔽之日也敢忘患恤縻陳此議議上張公狀其猷部御史向公報曰可復下其議論令區畫詳確諮訪於邑之縉紳士夫問里父老率以相度地形崇卑周圍高厚丈尺通計工力材石用費多寡或帑貯可動或丁田可科開具圖籍復上定議示重事毋率也於時一邑之人彼此同力遠近聞風互相參贊襲故常之知者惑創見之謀徇拘攣之習者駭超絕之論形忌懷疑言說騰起陳知不可以口舌爭也顧以心計決之初議計民丁產出貲經費徵輸往返非一時可得獨府帑有爰羨尙多誠

假以始事稍緩卽徵民貲以償可兩無失儻獲一切
盡蠲尤百姓厚幸乃復上議於張公曰職上建城策
徵民輸貲勢難遽集恐大工之興後時不及竊謂縣
者非一鄉之縣非一郡之縣畿甸之縣也乞假府帑
賜以經始需民來輸卽以補償夫不足於縣而求之
於府猶欲庇其子而請於其父出之於府而假之於
縣非所失在秦而所得在越也倘獲垂允繼以縣帑
之羨則邑城完建可毋期月待也張公善其意卒發
府金並以中丞部御史醵贖助役而初議民輸亦獲
報罷畫既定遂謀興役原相地形附山依水隨其高

下周環民居畫地約積方三里半強約圍四里稍弱
東西約徑一里弱南北約徑一里強召匠計之建城
週迴約計七百三十六丈有奇分計水城二百七十
四丈有奇平城二百一十丈有奇山城二百五十丈
有奇水城底石基高八尺厚一丈五尺平城山城石
基高二尺厚視水城差減通約用石大小不等五萬
丈有奇城高一丈四尺除石基二尺內外函磚中築
土高一丈二尺墀墻三尺睥睨二尺共高一丈九尺
下廣一丈五尺上廣一丈三尺每磚長一尺廣五寸
約用磚二百七十萬有奇城基椿木加水城排木通

約用木八萬有奇彌塞縫罅磚石通約用石灰一萬
四千石有奇磚石土木等工舟夫運載擔負等役通
約用二千萬有奇城門樓五水關三水函六守城舍
二十四通約用材石工役各三十萬有奇共計支費
帑金一萬六千兩有奇爰卜元辰告於后土其詞曰
東流令陳春敢刑牢牲昭告於明神春躬承簡命來
字一方黔黎元元惴惴兢慄不敢寧居厥任實維艱
哉顧茲閭聚環厥邑治屢戕於戎盜罔以奠厥生維
我吏人任茲大咎夙夜寢興用怵厥哀茲幸獲請巡
守大吏允城茲邑以藩衛我橫目生齒俾永輯於神

土謹卜良日昧爽告神以啟事維神相我羣吏臨視
恪恭靡懈於職爰逮百執事工役亦罔有罹土木之
災維神鴻德是庇若吏有不畏工役奸僞冒餽曠程
神其降殃祀畢大犒羣匠矢以賞罰開布大信諭令
匠役衆建首領而分其役四方四隅各限丈尺期日
責程凡領役者百五十人執役者數千人人各爲黨
競力趨先以希厚賞官司躬自暴露巡閱版築之間
時懲其不力不恪者衆亦毋敢少怠率五日或十日
椎牛醢酒犒其勞復預出帑金輕重均析各如所限
程課工餉數目封識納函先後完報隨至隨給對面

驗發曾不踰時衆心感悅感若趨赴私家之役羣材
航輦畢集有若神運鬼輸不戒自至工無棄力官無
棄材門關臺舍重樓複道刻日應期百堵方完並告
畢役工旣成乃復讐對原計緣隨地形廬舍縱橫曲
直權其便宜損益強弱差有不同丈尺稍減乃取羨
金還貯府帑役自萬厯元年春三月之望始冬臘月
之蜡終猶未及期遂告落成

徐紳建城記曰城東流成巡撫都御史銅梁張公以
書見屬曰維茲邑之城維令寶克敬事諸執事亦克
寅恭用能無劬勤於我民以底厥成豈茲邑之休實

增屏蔽于我畿內敢藉記于下執事昭示永永而邑
令仁和陳君申致其詞曰職不敏維邑敝耗矧茲興
築維撫臨之有巨畫實夙夜懼弗支職奉文書奔走
皇皇維監司郡公是翼是訓僅告于成維咎咎之彌
緊上下是賴敢奉垂迪尙克嗣于涓埃用不隕陞紳
孫不獲則以意論之曰茲城之識其來尙矣洪惟我
高皇帝定鼎金陵爰建三輔東流界地西服控楚蜀
扼淮舒舟車會同襟喉要重豐鎬舊甸巖峻所遏此
形勝事體宜然不待與權正德末年霸道南逸逆濠
東下江波沸騰廛市俶擾于時官吏抱符束帛辟伏

民舍卽有城不至是嘉靖之季緣調苗獠肆於倭患
所經剽掠瀕江爲甚此其大者近年盜詭入解發帑
徑出追卒纔集懸帆百里矣卽有城又不至是然因
循二百年未有克舉之者地方才力不具一也縣官
之任事難得二也敢於任事而不足以通變三也謀
多而不專則異議生四也郡縣之職不通則有無不
足以相濟五也此五者人情相沿而事之興廢繫焉
則又必俟其時不易偶也今以張公撫臨于其上而
首建大議則謀之也專而異議不生以郡守脇心于
縣令不以爲嫌則有無相通而不患其不濟縣令旣

克任事又能慎慮酌宜以通其變而仰體夫合並爲公之心則時之所可爲才之所得爲與地方之所當爲者宜其一朝底績而無難也計茲城周圍七百丈有奇高一丈七尺厚一丈五尺門有五麗樵幾之敵樓二十有四而巡警之舍幾之經始于癸酉三月落成于甲戌春三月葺而訖事斯不謂之敏乎石斲于山斲陶于冶材售于賈工集于募諸畚者鍤鑿者薪而爨載而浮者肩摩踵接者一傭力取直而無一毫利于民斯不謂之惠乎至于因工受委分任責成餼廩稱事卽里巷中寸長尺善皆令得以矢心自

効而無一毫假于官斯不謂之辦乎通計費金萬五千兩有奇請于郡者一萬有奇貯于邑者三千有奇節其羨而助之通其事而處之者合二千有奇凡請必得凡處無擾斯不謂之順乎合上下通官民計安地方而不居其功審出納節浮濫而不疑其吝斯不謂之公乎夫處之以順濟之以辦流之以惠綜之以敏本之以公而加以無前五者之難則二百年曠舉成于指顧間有由然也然而一時相與有成其幾會真不偶矣顧紳猶願有一言焉昔先儒胡安國曰城非春秋所貴謂經世安民視道之得失不倚城郭溝

池以爲固夫倚城郭以爲固而不修其政刑者春秋之深戒也東流故無城今城矣諸大夫之責塞矣使後來者覽形勝之可安忘傾危之或漸襲目前之無事失戒備之先圖則城豈能獨守守豈能獨爲固哉孟子曰築斯城也鑿斯池也與民守之嗟夫與民守之豈易言哉必平日安養撫摩之惠足以結其心勸善懲惡之典足以辯其類無偏無黨之化足以公其施尊君親上之教足以順其性令行禁止之政足以敏其趨而又蓄財力具器械嚴保伍防微杜漸雖太平無事凜凜然常若風濤烟燧之相尋乎前至若有

事委身致志矢堅金石豈惟一邑永寧卽以上藩國
家億萬年之盛而鞏皇圖于磐石之固將亦斯城是
寄創之者旣由斯以成于前矣後來者亦當繼序而
敬承之張公所以書記之意與陳君所以崇德廣業
永遺來哲之道抑母在于斯耶斯舉也張公規畫詳
備用奠雄圖訐謨保釐丕顯百世與一時封疆大吏
貞度程能用究厥施典則完美法得備書書之繫以
銘曰大江之濱惟邑東流作輔神京據茲上游維城
弗基曷狀形勝狂瀾疾風其奚以應斷斷撫臣爰始
爰謀詢茲僉同亦又何求民旣匱止矢曰勿科不竭

其力恤之孔多惟郡惟邑一體而分濟之以通用集
 厥勲匪勲之集繁地之利經之營之肇彼一簣陶于
 河濱采于厯山羣策羣力舉之奚艱屹屹連雲巖巖
 耀日儼彼威重云胡弗栗凡厥襄事惟公惟忠體物
 非我謀國則同創之有道守之有要惟忠惟公為來
 世詔

城五門門各有譙樓東曰迎曦南曰麗山西南曰通津

西曰菊江北曰瞻極明知縣周燭新以瞻極門不宜于

雍正十二年署縣事溫通
 設屏牆于門內以障北風

明知縣陳春城門樓題景書額序曰邑城成予偕學

博中都張君錢塘陳君率諸生吏巡而觀焉每登一
門之樓則引觴觴二君三而談形勝焉二君酬予觴
者亦三厯登四樓予乃顧謂二君曰始予未城是邑
也則憂思縈焉無寧居於夕逮予方城是邑也則勞
思集焉無寧居于日茲予既城是邑也乃幸與諸君
遊而樂焉俯仰江山視昔增壯極目千里蒼茫廖廓
時有凌虛挹海之思向之憂勞渙然頓釋芙環視景
物殊狀同效莫不忻快于臨賞古人謂登高能賦可
以爲大夫而諸君之詩洋洋盈耳足追風雅之響願
茲樓之偉觀而可無以標其勝乎盍爲我目之二君

曰諾乃復舉觴于予題其東曰畿輔上游示要重也
南曰嶽瀆會秀昭英靈也西曰吳楚要津別委注也
北曰洞瀾砥柱旌峙拔也於是樓之危聳雲表者若
容貌稟受一定而不可易善乎二君之能爲其狀也
然予因是有思焉夫莅治上游之地則封疆職守當
思鎖鑰有重寄可使廟堂匪西顧之憂乎寓形會秀
之區則登臨在望當思峻潔有餘風可使襟懷負淪
墜之慚乎介處通津則濯纓滄浪浩然萬里寧無博
濟蒼生之思乎孤瞻砥柱則振衣高岡壁立千仞寧
無中立不倚之思乎是二君之有勗於予也以守官

則知貞以飭行則知防以濟民則知澤以勵操則知
堅豈特爲一樓目哉予謹拜賜矣乃大書其字揭于
樓盡觴極歡旣醉而歸濡毫序之如此乃城之西南
隅有便門無建樓也因勒是序而亭之若補其闕然
苟欲覽景于四門者摩挲其文則說具是矣

崇禎間知縣許茂莘增城三尺知縣張雲翬築土城于
外而浚濠溝其後叛兵躪城民多溺死溝乃廢

國朝順治初知縣蘇宏謨請於郡守而修之郡守梁應
元助其費若干兩嗣以年久倒塌東門向大南門隅坍
垛口十五段計橫二十八丈九尺高九尺五寸大南門

向小南門隅坍垛口三段計橫三丈七尺高一丈四尺
小南門向西門隅坍垛口五段計橫十丈九尺高一丈
七尺八寸西門向北門隅坍垛口二段計橫五丈五尺
高六尺續坍城牆洞口橫五尺高三尺西門續坍城牆
並外腳橫七尺高四尺五寸東門續坍垛口橫二丈五
尺高六尺五寸又垛口坍橫九丈五尺高七尺雍正九
年東門續坍城洞口橫一丈高五尺以上原坍城垣共
二十五段計六十二丈八尺三寸續坍共五段計二十
三丈一尺雍正七年知縣陸培捐修八段士民樂輸八
段乾隆十三年西門向北門隅坍城垣一段知縣郭維

捐修乾隆二十八年坍塌若干尺是年十一月知縣王
楚士詳請大修合縣投捐貢監共銀一萬二百四兩又
合縣士民樂輸共銀三千五十五兩乾隆三十一年坍
倒北門迤東城垣堞口一段計長三丈崩裂共長八丈
又北城一處敝裂長九丈知縣熊于偃詳請興修以在
王知縣保固限內文行原籍遺屬解到銀二百四十七
兩三錢二分一厘修理報竣乾隆五十六年六月坍倒
南關外東邊城垣一段計長七尺零東高二丈零西高
一丈九尺零知縣孫豫吉捐修嘉慶二十年坍塌北關
迤西城垣一段計長八丈零西高一丈八尺東高一丈

七尺又西門北首殿脹二處均約五丈有零又北門東
東城樓俱已朽爛又自南向西城垣一段計長一十三
丈零南高二丈二尺西高二丈二尺餘兩旁各殿裂三
丈有餘自東向南殿裂城身二段均約六七丈嘉慶十
六年知縣吳澆詳請照修署之例分作八年攤捐共領
銀九百一十九兩一錢八分八厘修理完固

萬壽宮在民化寺殿前高二丈四尺直深二丈餘橫濶

四丈

前有殿殿高二丈二尺深九尺餘濶四丈
知縣蔣綬倡邑士汪德元陳光緒捐建

東西爲

文武朝房房前東西爲講約亭亭前爲朝門周圍以垣
凡慶賀朝拜之期文官寮由東朝門進武官寮由西朝

門進平時不得擅入乾隆十九年知縣蔣鳳色倡建署
縣事何向宸知縣蔣綬竣其事

蔣綬記曰禮言朝會詳矣而愛戴之忱發于臣民所
不能已者不以九閭萬里隔也耿光大烈黎獻欽承
自朝廷以逮百官下至一州一邑莫不遙瞻北闕而
揭覲揚拜舞之思東流自潞城而下爲山水之奧區
南唐置縣以來民氣淳和風土瘠确我 國家 聖
聖相承深仁厚澤淪浹肌髓民生其間尊親頌禱
之忱時時躍露於言色動止之間歲甲戌邑人士請
于前知縣臣蔣鳳色曰慶賀大禮也宣講 聖諭大

典也傳僅就民化寺祇承宣布無以肅觀瞻明敬異
毋乃褻乎臣蔣鳳色擬卽寺之舊壤捐金創建萬
壽宮以爲朔望展禮地尋鳳色去官臣綬適司茲土
乃仍前議申明大吏經營相度式定規制綬於是顧
士民而語之曰東流江州故地也吳晉以還元明代
易天時人事無常所矣方今遭遇昇平人物殷阜士
耽於經史民樂於耕桑非上之休養生息至於百
年之久其奚能安堵如是耶洙其化考播其和薰其
教者盡其職願與邑人涵濡鼓舞相與翹首以觀德
化之成也役竣邑紳士耆民請以創建之由書之于

石俾世世子孫知 國家恩德之無窮因成其志而
謹爲之記

嘉慶十四年渠在傾圯邑人士脩葺

縣署在城中少倚于北久而就圯嘉靖十九年知縣王
廷和葺新之

宋邦輔修縣治記曰東流縣治久不輯敝也甚矣舊
正堂三間棟橈以欹檼嚙而腐兢兢然恒懼其壓則
施扶木以夾持之他如幕史廳卷冊房各頽圯不蔽
風雨徃時莅者每每病之而竟莫有能新之者嘉靖
庚子冬十月長泰王侯畏齋知縣事具本末請於督

撫咸可之於是計費鳩工百需續具經始于是年冬十一月不再月而堂成高二尋而多廣四尋而少深如廣凡爲大楹二十由是而新幕史廳則高不及正堂十之三深廣各如其半其楹殺五分之一有加冊庫東西卷房門廂書手房旌善申明亭榜廊照牆以暨兌運倉之類亦各漸次新之訖功在癸卯夏秋之交凡閱兩寒暑吁亦艱矣哉初估值不滿二百金而費實加三之一咸出經畫未嘗歛及民上下信之無異議耆老與諸鄉士夫思欲琢石以勒侯之續時訓博澹溪林君章北園趙君廷玉介國子生陳彬陳堯

道來徵言故書之畏齋名廷和字以中閩之漳人也
先以國子生授知瓊之陵水旣乃調吾邑云

明之末燬于兵

國朝順治三年知縣鄧繼球卽其址重建

鄧繼球縣治記曰東流舊爲彭澤地隸江州初唐置
場南唐立縣江流北折至湓城迤邐而東故以名焉
宋改隸池州益貴池之晉陽鄉始置十四都明初兵
燹逃亡殆盡復藉南昌安慶二衛屯田併爲七里俗
淳近質崇儉尙古仁里其庶幾哉明末左良玉叛兵
東下大將軍黃得功扼于銅陵不能長驅屯東流者

三月城破大肆焚劫殺戮過半丁壯婦女悉擄以行
城之内外百里無烟人行絕迹乙酉仲冬球受命
令茲邑至則瓦礫燬墻無復可居乃鳩工庀材自內
衙縣堂鼓樓儀門倉庫科房賓館贊政廳土地祠申
明旌善民皂諸亭以及牢獄大小二十餘楹不支官
錢不派民力凡幾閱月而告成後之君子其鑒余之
苦誠則幸矣

中爲保赤堂有捲厦

乾隆二年貢生周光組修
舊又有雨棚三楹今圯

捲厦前

爲甬道甬道之東爲吏書房戶書房糧書房禮書房承
發房倉書房西爲兵書房刑書房工書房察科房庫書

房房後爲五福祠爲馬號吏書房之東有廐上有馬神

廟

嘉慶二十一年知縣吳麓修

甬道有坊曰公生明

乾隆二十年知縣蔣綬修嘉慶

十八年知縣吳麓重修

坊之前爲儀門門側有屋二間管門人役

住焉前爲頭門上有誥樓門之內右爲土地祠祠前有快壯班房左偏爲獄禁

按舊志土地祠右有禮賢館萬厯間知縣陳春建春自爲記曰東流爲南畿上游邑令不無賓客往來之交延接舊在廳事後堂階連紆案牘積几未便迺視儀門之外隙地一區別爲賓館賓之候主主之迎賓步武式均可以舒詞氣將嚴恭庶乎賓不勞而主人

亦逸館成扁其門曰禮賢夫令之一身上而朝政所寄下而民情所關政之臧否民之休戚非賢者不能知非令之廣諸博採以禮下賢雖有知者孰肯爲令告是故闕刺旣達賓主甫交禮文雍雍言詞侃侃其或以賦役不平欲令均之田野不治欲令闢之學校不振欲令興之刑罰不中欲令察之豪雖不戢欲令抑之吏弊不清患盜不息欲令剔之氓之所告不必同同有裨于政也有益于民也在鄉邦則爲鄉邦之賢有使客則爲使客之賢雖禮益加隆心益加敬非令之誥也宜也其或以私怨未酬欲令快之兼并未

竟欲令附之刻剝未遂欲令成之武斷未逞欲令恣
之倫理未正風俗薄惡欲令因之庇之所告不必同
同爲政之蠱也民之蠱也豈令以禮下賢之初心哉
雖禮貌未遽衰而心益加慢非令之情也宜也甚或
假公道以求濟陰私藉權勢以挾制官府造誹謗以
中傷善類又或託孔孟之門牆設性命之問與巧伺
人隙曲售已意甘壞心術賊名教更其甚者也人之
不賢彰彰矣今故不得而徇之又安得而禮之徇而
禮之非愚則悖令且不得爲賢矣縉紳士大夫將孰
加令以禮哉館凡四楹二耳室擇一吏之慎幹者司

之因記其說于館石云

頭門前有照牆有亭左曰旌善右曰申明兩亭之下曰

榜房

知縣蘇宏謨建
知縣郭維修

今圯

保赤堂之東為庫祀庫神西為聽事房凡若干間

案舊志近宅門有聽松軒堂旁有贊政廳今俱廢

堂之後少東為宅門為二堂有雨棚東西廂屋共十間

財神廟一間有捲厦厨房六間在西廂之後二堂之東

有房房三間曰仰陶軒

乾隆二十三年知縣蔣綬建名曰仰思堂嘉慶四年知縣韓藻

改建仰陶軒

西書房亦三間

乾隆十八年知縣蔣鳳色建

二堂之後為三

堂凡七間

康熙五十二年知縣譚言建東偏東西廂于嘉慶二十年圯知縣吳篋重修

房各三間三堂之東有書房七間更房二間西書房兩

間

知縣韓藻捐建

三堂後西偏書房三間共計屋若干間周線

以垣乾隆四十三年知縣鄒宏贊詳修嘉慶三年知縣

韓藻詳修

吉陽巡檢舊治吉陽鎮裁雁汭香口二巡檢後乃駐香

口明末署燬于兵康熙間巡檢王國翼移于城在縣署

之北堂三間東爲花廳二間

巡檢朱世顯

西一間

舊志二間今已一間

堂之後住屋四間堂之前二門三間西爲土地祠爲書

辦房爲廚房凡八間東爲書房三間曰藤花書屋

嘉慶二十

二年巡檢胡濟建

二門之外爲頭門其西二間爲門房頭門之

外有照牆左右有柵周繚以垣

張成孫藤花書屋跋曰胡君曉江來爲東流少府視其署雖卑隘而頗有隙地夷然曠然中有古藤一株蟠曲奇崛爰建宇于其旁而命之曰藤花書屋君以磊落之資矍屈于簿尉勁傑之氣無可以自見于此無亦有所感乎其與崔斯立之老槐鉅竹吾未知其何如惜乎世無昌黎無有能記之者也

典史署在縣署儀門內少西頭門一間二門一間堂三間左書役房右土地祠廳後爲燕署凡三間西書房三間其東亦三間曰半山書房

乾隆二十三年典史張永輝捐建 厨廂一

間順治八年典史沈如遇建燕署東之南書房三間曰寄舫乾隆四十八年

典史唐翊華捐建

陰陽學署舊設縣治城北今廢

醫學署舊設縣治城北今廢

僧會司舊設民化寺左明末燬于兵遂廢

監獄在縣署頭門內左偏明按院田給銀一百兩置買土名盧家壠大湖塘弓田二十畝每年額租谷四十石備賑在監囚犯因名囚田乾隆十四年奉前撫訥檄飭照馬田收成分數之例分別減收以爲監犯並遞解軍流等犯口糧支用年底報銷

配所縣署後西北嶺上知縣蔣鳳色捐建高山廟僧本
智捐基一片屋五間共屋一十一間門樓一座旁有餘
基付城隍廟僧取租納糧其糧收入城隍廟嘉慶十九
年知縣吳簾重修

承賢館在縣署西卽舊察院也始設于洪武間至萬厯
初知縣陳春修葺

陳春察院記曰朝治分遣監察御史巡行海內郡縣
彷彿漢故事以六條廉察羣吏貞肅百度而畿輔之地
則縮方寸印佩璽書乘傳出入者冠蓋相望於道故
郡縣並建察院以爲御史按臨視事之所仰稽天垣

則象應太微執法之司實綱紀重地也縣舊有察院
建自洪武間簡陋卑隘廳事中僅容車左右半之予
曰御史者朝廷清華崇要之官也而使居於此官吏
入謁何以肅其威儀士庶奔趨何以攝其觀望譬之
鷹隼棲於枳棘則百鳥不必斂翼而翔虎豹伏于岩
阿則羣獸不必屏迹而遁故御史所居必有相臺之
森凜烏府之深嚴然後體統巍然瞻視赫然霜凝風
流精采煥而法紀振肅矣先是令茲土者率以壤地
褊小僻在西園傳車罕至恤勞憚詘因遂踵故襲弊
而不一爲之改創予則以爲吏民所以知有法度者

御史聲威之遠有以服之也御史之臨不臨不可必而憲條之禁戒教令之申布未嘗不昭揭于茲也吏民朝夕過御史之臺儼然若或臨之則古人布法象魏之意尙存而不泯也且今御史遣一理官綜覈郡縣事雖使承望風旨用法或有過中猶足以恐囑郡吏鈐服百姓俛首帖耳而不敢與之抗況御史之公廉威察有若日月風霆之在上雖不按詰按上而吏民過其所寓之署有不聳然改容易視真若照臨威震之所及者乎然則創新之舉其不可已也審矣茲特拓其址而儀門夾道露臺咸宏壯相等前堂廣踰

深之半後堂深踰廣之半寢息有室庖湏有所吏胥
門皂廨舍咸備崇以垣墻翼以廊廡隆其棟宇簷楹
不斂民財不勞民力成以不日而規模迥然一新雖
江山風景疑一丕變云

復有府館在縣署北明末興察院並燬於兵順治三年
以府館故址改建爲常盈倉八年操撫李日升池太道
吳崇宗發銀一百九十六兩知縣蘇宏謨捐建察院于
舊址中爲公堂陞端爲捲厦甬道前爲儀門左右爲班
房儀門外爲大門門外設屏牆西側有屋若干間縣吏
於此候啟閉公堂後爲燕署三間左右廂各二間左偏

爲尉通計二十餘間周以垣墻康熙間知縣侯之桓郭志道次第修葺五十八年知縣李天柱易名

聖諭宮尋復爲察院歲久就圯嘉慶二十二年知縣吳澆卽其址重建額曰承賢館

吳澆重修承賢館記曰東流東趨宣歙北達皖郭渡江而西則走潛霍泝江而上逾彭蠡引楚蜀然而地僻不當衢道冠蓋之莅不數數焉每覽志乘念昔時李供奉羅司勳梅都官蓋嘗翱翔茲土流連山水未嘗不心焉數之夫館舍亭傳亦政之急也周之制十里廬三十里有路室五十里有候館野鄙如此况

都邑之內所以時埧治潔糞除厚其垣墻高其閤閤使賓至如歸者宜何如也縣治之西有故明時察院自巡按廢而院圯國朝順治八年知縣事蘇君宏謨康熙五十六年知縣事郭君志道皆修葺之比遂傾壞僅存數楹簷旣受縣事乃與邑紳士復營建焉門堦堂寢大概如其舊觀而扁其門曰承賢館亦我有嘉賓承筐是將之意也今之世其無李供奉羅司勳梅都官其人者乎余方拱而竢之

大公館卽觀音堂在縣東北九十里與懷寧迎江寺相望官廳五間廳前爲頭門五間有照壁廳後爲觀音殿

五間大廚房五間馬房三間始建於乾隆二十一年嗣後遞加脩葺池太道張士範安慶府知府樊晉均有記張士範公館記曰皖江南岸公館係前制府長白高公撫院時率屬捐廉建後有觀音閣則前觀察茗上沈公所建招僧住持并專看守之責凡上憲同僚待渡停驂於斯者憩息弭便也其棟宇垣墉偶有圯者俱籌畫修理以期無廢前功惟住僧香火之資無所出戊申春余有會城之役適因風阻住此兩日僧道恒求公捐購產爲永遠計爰書致同人各分清俸合安徽寧池太廣三十四府州縣并余捐銀共約得二

百金給僧置東流縣蔡村坂橋頭田地一業契一紙
水程清單一紙由東流縣印給道恒收執歲獲租籽
即爲住僧香火及小脩公廨之費此後瀕江行館永
得資守護亦大有裨益耳爰爲之記昔乾隆五十四
年仲春日

樊晉公館記曰安慶池州兩郡以江分界安慶臨江
北建城爲省垣自大府以下凡自江以南趨省者造
江見城堞矣或迨日暮及風濤輒不得徑度故於池
州界內江南岸建公館以停行蓋肇始於制府高公
晉撫皖時時則乾隆之二十一年也後四年觀察沈

公世楓復建觀音閣於其後招僧住持兼司啟閉又
後三十年爲乾隆五十四年觀察張公士範復加修
葺並買田晦爲長久計意甚善也而地瀕江潯波浪
浸蓄久而屋壁半圯於水嘉慶二年冬余任寧國同
知調省委辦案務往返於斯阻風慙憊見其傾圯夜
雪朔風侵入甚苦卽擬爲修建未果會五年擢守此
邦六年春復代理道篆爰與五郡僚守倡義脩復僉
爲踴躍爰價買東流民隙地一區移於高原諏吉始
事于嘉慶六年孟冬至七年春仲閏五月而工竣堂
房厨漏煥然改觀飭材庀工約費千緡皆同僚共襄

之力也惟最後爲觀音閣經費已絀余復捐俸成之
別置田畝給住持僧爲歲時修葺之用斯館之設雖
非郡事興廢之大第地當五屬郵陸所必經且自高
撫軍創建暨兩觀察修理之美意所謂有其興之莫
敢廢焉者余用是蓄念於數年之中而深幸同僚諸
公共成此志竟得快然于棟隆攸芋重復前人之舊
志焉而常住田畝歲經理之可以垂久遠而無患爰
述其緣起以誌歲月嘉慶七年六月

瓦壠橋公館乾隆四十二年知縣鄒宏贊捐修正廳三
間頭門三間兩旁從屋四間上房三間今圯

渡曰港口渡段家河渡雙河口渡鐵山渡香口渡以上唐豐

上鄉楊家磯渡唐豐下鄉石潭渡韓家渡張家灘渡以上晉雁

汶渡小路嘴渡澄潭渡以上維新鄉

案額設官渡船二隻一在河口渡一在石潭渡每年

共給船夫工食銀五兩一錢其餘皆民渡也港口渡

在通津門外康熙年間徵人吳雲友設渡船并建利

涉亭亭尋圯乾隆二十三年長溪僧本義重建葛公

山僧隆捐周家山田地為修理渡船及渡夫費今亭

復圯其田歸和義局渡船夫等亦在和義局支領銖

山渡渡船係康熙間知縣郭鴻文捐買謝家港民田

二畝五分召佃王毛納租永爲造渡之資尋以私相
售買經知縣郭維斷還其舊 又縣治西北頭礮水
勢湍激難上康熙六十年典史金永昊捐置下隅坂
萑蒲溝黃泥坂田三畝五分又新塘墘田一畝四分
給廟僧買纜以便行舟

橋曰建東橋青坂橋玉衡橋石板橋安樂橋以上十迎

龍橋花鎮北橋銅頂山韓家橋白洋湖徐太平橋下隅

造菖蒲橋檀元楊坂橋陳家如意橋胡明良劉得朋王

家溝橋王東友募建大板橋白洋三橫橋茅田清水港橋島

礮郭公橋洪文造倪家橋倪本旭造徐家橋徐元黃蓮

東流縣志 卷之八 營建志 三

橋梅溪橋縣東南二十五里藍橋有大小二橋洪山橋鎮東橋石鎮

西橋石潭麻石橋柏山新橋坦埠永濟橋灣裏子來橋吳徵錢造王家

橋雙虹橋龍山嶺北張勝也得勝橋雙河橋僧紹光募造大

峯橋江峯修造慈真橋葉時茂造南河壩橋延壽橋僧賢敬募造官橋

康熙五十七年署大橋楊林溝橋檀宋氏造通濟橋港口金城建

楊樹橋洪士橋普濟橋梨樹橋白石張建前橋五福橋瓦

璫橋八都南山橋徐堃造鴛湖橋徐堃築堤並修接龍橋楊家橋金

橋土橋徐堃造百歲橋張溪徐珩修神仙橋吳振麟造夾河橋青雲

橋白泉坂林家壩橋周之甲造褚村橋東貴列駟橋二龍甲

潛橋新壩橋宋鄭氏造鎮中橋老石橋中灣橋通華橋

橋僧曉庵募修 舜山橋固賽橋金能茂修太平橋維新鄉胡振建列駟橋

大和橋並中河保竹林橋曹溪保龍泉橋大石橋皆晉陽鄉張琢祖穆公建

迎龍橋維新鄉宋家埠嘉慶十八年橋北重修印綬橋石人山建安橋鐵爐

橋鎮溪橋安貞橋並中河保鎮龍橋傅愈豐歐陽浩村橋上

謝鴻舉捐田為歲修資

按橋渡但載孔道所經其偏僻處所不能盡及